

Stiklur úr sögu LOGOS Eigendur LOGOS og forverar í gegnum árin

LOGOS lögmannsþjónusta rekur sögu sína allt aftur til ársins 1907 þegar Sveinn Björnsson, sem síðar varð fyrsti forseti Íslands, opnaði málflutningsskrifstofu í Kirkjustræti 10 í Reykjavík.

LOGOS varð til með samruna Málflutningsskrifstofunnar Suðurlandsbraut 4a og A&P lögmanna. Með samrunanum varð til öflug lögmannsstofa sem getur í krafti stærðar, reynslu og þekkingar veitt betri og sérhæfðari þjónustu og sinnt einstökum verkefnum á skjótari og hagkvæmari hátt en áður var mögulegt. Hefur stofan vaxið mikið frá samrunanum og velta hennar hefur aukist ár frá ári. LOGOS opnaði skrifstofu í London árið 2006. Einnig var LOGOS með skrifstofu í Kaupmannahöfn á árunum 2008-2011.

Sveinn Björnsson (f. 1881 – d. 1952), opnaði málflutningsskrifstofu sína að Kirkjustræti 10, Reykjavík þann 17. ágúst 1907. Árið 1920 var Sveinn skipaður sendiherra í Danmörku og tóku þá Guðmundur Ólafsson og Pétur Magnússon við rekstri stofunnar.

Guðmundur Ólafsson (f. 1881 – d. 1922), sem gerðist fulltrúi á skrifstofu Sveins Björnssonar 1913, tók við rekstri stofunnar 1920 ásamt Pétri Magnússyni.

Pétur Magnússon (f. 1888 – d. 1948) gerðist meðeigandi að Málflutningsskrifstofunni 1920. Hann hvarf til annarra starfa 1941.

Guðlaugur Þorláksson (f. 1907 – d. 1974) réðst á Málflutningsskrifstofuna 1923. Guðlaugur var ekki menntaður lögfræðingur en vann við bókhald og endurskoðun og var löggiltur fasteignasali. Guðlaugur gerðist meðeigandi að skrifstofunni við andlát Guðmundar Ólafssonar árið 1935 ásamt Einari Baldvini Guðmundssyni.

Einar Baldvin Guðmundsson (f. 1903 – d. 1974) var ráðinn sem fulltrúi á Málflutningsskrifstofuna í mars 1929. Við andlát Guðmundar Ólafssonar 1935 gerðist Einar Baldvin meðeigandi og starfaði þar til dauðadags árið 1974.

Eftir lát Einars Baldvins Guðmundssonar og Guðlaugs Þorlákssonar ráku Guðmundur Pétursson og Axel Einarsson skrifstofuna með eignaraðild ekkju Guðlaugs, Camillu Sandholt.

Guðmundur Pétursson (f. 1917 – d. 2009) hóf störf sem fulltrúi á Málflutningsskrifstofunni árið 1947. Hann gerðist meðeigandi þeirra Guðlaugs Þorlákssonar og Einars Baldvins Guðmundssonar 1948. Guðmundur Pétursson gekk úr félaginu í árslok 1995.

Axel Einarsson (f. 1931 – d. 1986) hóf störf á Málflutningsskrifstofunni sem fulltrúi 1957. Hann varð meðeigandi 1. júlí 1968. Axel lést 19. desember 1986.

Eftir lát Axels Einarssonar 1986 ráku Guðmundur Pétursson og Pétur Guðmundarson Málflutningsskrifstofuna, með eignaraðild Camillu Sandholt og Unnar Óskarsdóttur, ekkju Axels, en hlut beggja í skrifstofunni keyptu þeir síðan 7. maí 1988. Þar með lauk hefðbundinni "þriggja-partnera" skiptingu, og eftir það fjölgar meðeigendum:

Pétur Guðmundarson (f. 1950) hóf störf á Málflutningsskrifstofunni sem fulltrúi 1978. Hann varð meðeigandi frá árinu 1986. Hann gekk úr félaginu í árslok 2012.

Hákon Árnason (f. 1939) gerðist meðeigandi í Málflutningsskrifstofunni 1988, en hafði áður starfað sem fulltrúi og síðar meðeigandi á Málflutningsskrifstofu Ágústar Fjeldsted og Benedikts Blöndal.

Jakob R. Möller (f. 1940) gerðist meðeigandi í Málflutningsskrifstofunni í ársbyrjun 1991. Jakob gekk úr sameignarfélaginu 31. desember 2006.

Einar Baldvin Axelsson (f. 1965) starfaði á Málflutningsskrifstofunni samhliða laganámi og sem fulltrúi eftir að námi lauk 1991. Hann gerðist meðeigandi í ársbyrjun 1995.

Gunnar Sturluson (f. 1967) gekk til liðs við Málflutningsskrifstofuna sem fulltrúi að loknu námi 1992 til hausts 1994. Hann varð meðeigandi í Málflutningsskrifstofunni á miðju ári 1995.

Um áramótin 1999-2000 sameinuðust Málflutningsskrifstofan og A&P lögmenn, Borgartúni 24 undir merkjum LOGOS.

Upphaf A&P lögmanna má rekja til ársins 1969 er Ragnar Aðalsteinsson hóf rekstur eigin málflutningsskrifstofu. Síðar gengu í félagið Othar Örn Petersen hrl. 1990, Viðar Már Matthíasson hrl., Tryggvi Gunnarsson hrl. 1990 og Jóhannes Sigurðsson hrl. 1991.

Við sameiningu Málflutningsskrifstofu og A&P lögmanna voru eftirtaldir lögmenn eigendur A&P lögmanna: Árni Vilhjálmsson, Erlendur Gíslason, Jóhannes Sigurðsson, Othar Örn Petersen og Ragnar Aðalsteinsson.

Árni Vilhjálmsson (f. 1952) gerðist meðeigandi í A&P lögmönnum 1995.

Erlendur Gíslason (f. 1966) hóf störf sem fulltrúi á Málflutningsskrifstofu Ragnars Aðalsteinssonar hrl. o.fl. í september 1991. Hann varð meðeigandi 1998.

Jóhannes Sigurðsson (f. 1960) hóf samstarf við Ragnar Aðalsteinsson hrl., Othar Örn Petersen hrl., Sigurð H. Guðjónsson hrl. (til 1992), Tryggva Gunnarsson hrl. og Viðar Már Matthíasson hrl. Jóhannes gekk úr sameignarfélaginu 30. september 2003.

Othar Örn Petersen (f. 1944) hóf rekstur málflutningsskrifstofu 30. janúar 1990 með Ragnari Aðalsteinssyni hrl., Sigurði H. Guðjónssyni hrl. (til 1992), Viðari Már Matthíassyni hrl., Tryggva Gunnarssyni hrl. og Jóhannesi Sigurðssyni hrl.

Ragnar Aðalsteinsson (f. 1935) hóf rekstur málflutningsskrifstofu 30. janúar 1990 í félagi við Othar Örn Petersen hrl., Viðar Már Matthíasson hrl., Tryggva Gunnarsson hrl. (frá 1. janúar 1990) og Jóhannes Sigurðsson hrl. frá 1. október 1991. Ragnar gekk úr sameignarfélaginu 2000.

Áður höfðu neðangreindir lögmenn verið í samstarfi við þá:

Sigurður Helgi Guðjónsson (f. 1953). Hann starfaði sem fulltrúi á Málflutningsskrifstofu Guðmundar Péturssonar hrl. og Axels Einarssonar hrl. frá 1979

til 1983.

Tryggvi Gunnarsson (f. 1955). Hann rak málflutningsskrifstofu í Reykjavík frá janúar 1990 í félagi við Ragnar Aðalsteinsson hrl., Sigurð Helga Guðjónsson hrl. (til 1992) og Viðar Má Matthíasson hrl., og síðar einnig Othar Örn Petersen hrl. (frá 30. janúar 1990) og Jóhannes Sigurðsson hdl. (frá 1. október 1991).

Viðar Már Matthíasson (f. 1954). Hann rak eigin lögmennsstofu í Reykjavík frá 1. maí 1985 í félagi við Ragnar Aðalsteinsson hrl., Lilju Jónasdóttur hdl., (til 1. október 1986), Sigurð Helga Guðjónsson (til 1992) og síðar einnig Tryggva Gunnarsson hrl. (frá 1. janúar 1990), Othar Örn Petersen hrl. (frá 30. janúar 1990) og Jóhannes Sigurðsson hdl. (frá október 1991).

Frá sameiningu Málflutningsskrifstofu og A&P lögmanna 1. janúar 2000 hafa eftirtaldir lögmenn gerst meðeigendur:

Ragnar Tómas Árnason (f. 1970) starfaði sem fulltrúi hjá A&P lögmönnum og síðar LOGOS 1995 til 2001. Hann varð meðeigandi 2001.

Helga Melkorka Óttarsdóttir (f. 1966) hóf störf sem fulltrúi hjá LOGOS 2001. Hún varð meðeigandi árið 2002.

Óttar Pálsson (f. 1972) hóf störf sem fulltrúi hjá A&P lögmönnum og síðar LOGOS 1997. Hann varð meðeigandi í júlí 2002. Óttar gekk úr félaginu 31. desember 2005, en gerðist svo aftur meðeigandi í mars 2011.

Hjördís Halldórsdóttir (f. 1972) hóf störf sem fulltrúi hjá A&P lögmönnum og síðar LOGOS 1999. Hjördís varð meðeigandi 1. janúar 2006.

Guðmundur J. Oddsson (f. 1975) starfaði sem fulltrúi hjá A&P lögmönnum og síðar LOGOS frá 1999 til 2003. Hann varð meðeigandi í ágúst 2005 og leiddi opnun skrifstofu LOGOS í London það sama ár og hefur gegnt starfi forstöðumanns hennar frá upphafi.

Ólafur Arinbjörn Sigurðsson (f. 1971) gerðist fulltrúi hjá LOGOS 2003. Ólafur Arinbjörn varð meðeigandi 1. janúar 2007.

Bjarnfreður Ólafsson (f. 1967) gerðist meðeigandi í LOGOS 2006.

Jón Elvar Guðmundsson (f. 1976) gerðist meðeigandi í LOGOS 2008.

Heiðar Ásberg Atlason (f. 1975) hóf störf sem fulltrúi hjá LOGOS 1. júlí 2002. Hann gerðist meðeigandi 1. janúar 2009

Ólafur Eiríksson (f. 1973) hóf störf sem fulltrúi hjá LOGOS 2006. Hann gerðist meðeigandi 2009.

Þórólfur Jónsson (f. 1974) hóf störf sem fulltrúi hjá Málflutningsskrifstofunni og síðar LOGOS 1999 til 2001 og svo aftur 2002-2004. Hann gekk í eigendahóp LOGOS 2009.

Benedikt Egill Árnason (f. 1980) hóf störf sem fulltrúi hjá LOGOS í febrúar 2005. Hann gerðist meðeigandi 1. janúar 2013.

Guðbjörg Helga Hjartardóttir (f. 1978) hóf störf sem fulltrúi hjá LOGOS 2004 og

varð meðeigandi 2013.

Áslaug Björgvinsdóttir (f. 1982) hóf störf sem fulltrúi hjá LOGOS 2007. Hún gerðist meðeigandi 1. janúar 2017.

Húsakynnin

Málflutningsskrifstofan hefur verið til húsa á eftirtöldum stöðum: Við stofnun var hún í Kirkjustræti 10, en fluttist þaðan að Austurstræti 7, II. hæð og síðar III. hæð. Telja má víst að það hafi verið árið 1917, þar sem bygging hússins fór fram 1916. Í Austurstræti var skrifstofan í 40 ár eða fram í marsmánuð 1957, að hún fluttist í Morgunblaðshúsið, Aðalstræti 6, III. hæð. Það var svo 17. ágúst 1988 sem Málflutningsskrifstofan fluttist að Suðurlandsbraut 4A, V. hæð.

Kirkjustræti 10 (1907-1917)



Árið 1995 var ráðist í að gera húsið upp sem næst upprunalegri gerð þess. Batteríið - arkitektastofa sá um verkið auk tengibyggingarinnar í sundinu á milli Kirkjustrætis 10 og 8b. Burðarviðir hússins eru upprunalegir en flest annað varð að endursmíða.

Ljósmynd af mbl.is 22. október 2002

Austurstræti 7 (1917-1957)



Skjáskot af ja.is

Aðalstræti 6 (1957-1988)



Skjáskot af ja.is

Suðurlandsbraut 4a (1988-2000)



Skjáskot af ja.is

Borgartún 24 (2000-2001)



Skjáskot af ja.is

Efstaleiti 5 (2001-)



Skjáskot af ja.is

A&P lögmenn sf., voru til húsa í Borgartúni 24. Fyrst undir nafni Málflutnings-skrifstofunnar Borgartúni 24, sem var stofnuð í maí 1985. En á 10 ára afmæli skrifstofunnar 1995 var nafni hennar breytt í A&P lögmenn sf.

Eftir sameiningu stofanna 1. janúar 2000 voru þær í fyrstu starfræktar á tveimur stöðum, þ.e. á Suðurlandsbrautinni og í Borgartúninu, en þann 17. janúar það ár var starfseminni komið undir eitt þak og rekstur Málflutnings-skrifstofunnar fluttur af Suðurlandsbrautinni í Borgartúnið. Hinn 24. september 2001 opnaði LOGOS skrifstofu í núverandi húsnæði að Efstaleiti 5.

Sveinn Björnsson, síðar forseti Íslands, er stofnandi skrifstofunnar. Hann útskrifast lögfræðingur frá Kaupmannahafnarháskóla 22. júní 1907 og kom til Íslands nokkru síðar. Seint í júlímánuði mun hann hafa sótt um leyfi til málflutningsstarfa við yfirréttinn og er veitt leyfi sem yfirréttarmálflutningsmanni í Reykjavík þann 12. ágúst 1907.

Nokkrum dögum síðar, hinn 17. ágúst 1907, birtist svohljóðandi auglýsing í vikublaðinu Ísafold, en þá voru aðeins gefin út tvö blöð í Reykjavík, einu sinni í viku hvort, Þjóðólfur og Ísafold, en faðir Sveins, Björn Jónsson, var þá ritstjóri Ísafoldar. Auglýsingin var svohljóðandi;

TEK AÐ MÉR MÁLFLUTNINGSSTÖRF, KAUP OG SÖLU Á
HÚSUM OG LÓÐUM. HEIMA KL. 10 OG 1/2 OG 4 TIL 5.

SVEINN BJÖRNSSON KIRKJUSTRÆTI 10.

17. ágúst 1907 verður þannig að teljast stofndagur LOGOS og að skrifstofan hafi byrjað feril sinn í Kirkjustræti 10. Svo virðist sem Kirkjustræti 10 hafi verið heimili Sveins og hann rekið skrifstofuna í heimahúsi fyrst í stað. Hann er settur málflutningsmaður við Landsyfírréttinn 29. september 1919 og fær réttindi sem hæstaréttarlögmaður skömmu eftir að Hæstiréttur er stofnaður, eða nánar tiltekið 22. júní 1920. En sama ár, í ágústmánuði 1920, verður hann sendiherra Íslands í

Danmörku og sinnir því starfi fram til 1. júní 1924. Þá kemur hann heim til Íslands og gerist hæstaréttarlögmaður hér í borg. Það stendur þó ekki lengi, því að 15. júní 1926 er hann aftur skipaður sendiherra Íslands í Danmörku. Frá þeim tíma stundar hann ekki lengur málflutningsstörf, verður ríkisstjóri og fyrsti forseti Íslands.

Er Sveinn Björnsson var skipaður sendiherra árið 1920 tóku Guðmundur Ólafsson og Pétur Magnússon við skrifstofunni og ráku hana saman sem einkaeigendur til dánardægurs Guðmundar.

Stofnandi þessarar elstu málflutningssskrifstofu landsins, Sveinn Björnsson, fæddist 27. febrúar 1881 og lést hinn 25. janúar 1952.